

75299/7178(6)  
CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY

JUL 17 1959

杜工部  
千家註  
之六



太宰府  
社文庫



集千家註批點杜工部詩集卷之十一

西府文庫藏書

春歸

趙曰題時也

云春歸言歸當春廣德二年成都作

哈佛大學漢和圖書館珍藏印

苔徑臨江竹茅簷覆地花別來頻甲子歸到忽  
春華倚杖看孤石傾壺就淺沙遠鷗浮水靜輕

燕受風斜

有態度

世路雖多梗吾生亦有涯此身

醒復醉乘興即為家

歸來

客重衣有所適歸來知路難開野鼠走散帙壁



魚乾洗杓開新醞低頭着小冠憑託給麴蘖細

酌老江干本作低頭拭小盤一作着小冠先注云着小冠勝洙曰謝玄暉詩散帙問

所知註帙書衣也沈曰郭璞註衣書中虫今人謂之壁魚定功曰壁魚白魚也俗傳壁魚入道經函中因蠹食神仙字身有五色人得而吞之可致神仙

### 草堂

鶴曰公昔去成都因送嚴武入朝未幾徐知道反遂入梓州繼以吐蕃入

寇陷松維州勢迫近蜀此詩首言成都之亂似專指羌胡而羣小賊臣因之為亂也

昔我去草堂蠻夷塞成都今我歸草堂成都適

無虞請陳初亂時反覆乃須臾大將赴朝廷羣

小起異圖中宵斬白馬盟軟氣已麤西取邛南

兵北斷劔閣隅布衣十數人亦擁專城居其勢

不兩大始聞蕃漢殊兩卒却倒戈賊臣互相誅

焉知肘腋禍自及裊鏡徒義士皆痛憤紀綱亂

相踰一國實三公萬人欲為魚唱和作威福孰

肯辨無辜眼前列柎械背後吹笙竽談笑行殺

戮賤血滿長衢到今用鉞地以雨聞號呼鬼妾

與此馬色悲亮爾娛國家法令在此又足驚吁



賤子且奔走三年望東吳弧矢暗江海難為遊  
五湖不忍竟舍此復來薙榛蕪入門四松在步  
堞萬竹踈舊大喜我歸低徊入衣裾鄰里喜我  
歸沽酒攜葫蘆大官喜我來遣騎問所須城郭  
喜我來賓客隘村墟天下尚未寧健兒勝腐儒  
飄飄風塵際何地置老夫於時見麗贅骨髓幸  
未杜飲啄媿殘生食薇不敢餘鶴曰大將赴朝  
廷即是指嚴武  
言時入朝也洙曰漢高祖刑白馬盟穀梁傳齊  
桓衣裳之會十有一未嘗有歃血之盟鶴曰邛

南謂邛州劔閣在劔州皆蜀道也古城謂為刺  
史也洙曰左傳物莫能兩大漢書兩大不相事  
夢弼曰戰國策趙報媿滅智伯禍起肘腋洙曰  
前漢郊祀志梟鳥名食母破鏡獸名食父黃帝  
欲絕其類使百吏祠皆用之左傳一國三公吾  
誰適從趙曰左傳微禹吾其魚乎光武紀夾水  
灌之百萬之衆可使為魚洙曰左傳至於用鉞  
趙曰已殺其主故謂之鬼妾鬼馬如匈奴以亡  
者之妻為鬼妻也鄭曰雜它計切除草也堞徒  
協切矮墻也希曰大官謂嚴武趙曰莊子附贅  
駘麗古詩食薇不願餘後村詩話子美草堂詩  
大官喜我來遣騎問所須城郭喜我來賓客隘  
村墟其體盖用木蘭詩云奇娘聞女來出郭相  
扶持阿姊聞妹來當戶理紅粧小弟聞姊來磨  
刀霍霍

向猪羊



四松

四松初移時大抵三尺強別來忽三載離立如  
人長會看根不拔莫計枝凋傷幽色幸秀發踈  
柯亦昂藏所挿小藩籬本亦有提防終然振撥  
損得愧千葉黃敢為故林主黎庶猶未康避賊  
今始歸春草滿空堂覽物歎衰謝及茲慰淒涼  
清風為我起洒向若微霜足以送老安聊待偃  
蓋張我生無根蒂配爾亦茫茫

此語本極悲  
痛年之而止有

清且賦詩事迹兩可忘勿矜千載後慘澹蟠穹

蒼

趙曰禮記離坐離立師道曰振撥觸處貌鄭  
曰抱朴子天陵偃蓋之松容齋五筆曰故今

詩人懷想故居形之篇詠必以草木為比興杜  
公寄題草堂云尚念四小松蔓草易拘纏霜骨  
不甚長永為鄰里憐讀之凄然及歸草堂詩曰  
四松初移時大抵三尺強別來忽三載離立如  
人長尤可見一  
時之懷抱也

水檻

蒼江多風颭雲雨晝夜飛茅軒駕巨浪焉得不  
低垂遊子久在外門戶無人持高岸尚為谷何



傷浮柱歌扶顛有勸誠恐貽識者嗤既殊大厦  
傾可以一木支臨川視萬里何必攔檻為人生  
感故物慷慨有餘悲

洙曰大厦將顛非一木可支

### 破船

平生江海心宿昔具扁舟豈惟清溪上日傍柴  
門遊蒼惶避亂兵緬懷邈舊丘鄰人亦已非野  
竹獨脩脩船舫不重扣埋沒已經秋仰看西飛  
翼下愧東逝流故者或可掘新者亦易求所悲

數奔竄白屋難久留

師曰舫船傍也叩之以節歌趙曰晉夏統以足叩船

而歌吳曲

### 絕句六首

日出籬東水雲生舍北泥竹高鳴翡翠沙僻舞

鷓鴣

夢弼曰翡翠赤羽雀翠青羽雀上林賦註鷓鴣鷄黃白色長頸赤喙

藹藹花蘂亂飛飛蜂蝶多幽栖身懶動客至欲

如何

鑿井交機葉開渠斷竹根扁舟輕棹纜小逕曲



通村

急雨捎溪足，斜暉轉樹腰。  
隔巢黃鳥並，翻藻白魚跳。

舍下筍穿壁，庭中藤刺簷。  
地晴絲冉冉，江白草纖纖。

江動月移石，溪虛雲傍花。  
鳥棲知故道，帆過宿誰家。

題桃樹

小徑升堂舊，不斜三株桃樹亦從遮。  
高秋總餽貧人實，來歲還舒滿眼花。  
簾戶每宜通乳燕，兒童莫信打慈鴉。  
寡妻羣盜非今日，天下車書正一家。

不可解  
不必解

登樓

花近高樓傷客心，萬方多難此登臨。  
錦江春色來天地，玉壘浮雲變古今。  
北極朝廷終不改，西山寇盜莫相侵。  
可憐後主還祠廟，日暮聊為梁



父吟

謂先主廟中乃亦有後主此亡國者何足祠徒使人思諸葛伊父之恨而已梁父吟亦興廢之感也武侯以之。洙曰蜀有玉壘山夢弼曰西山冠盜謂吐蕃也

過南鄰朱山人水亭

相近竹叅左相過人不知自然幽花歌滿樹小水

細通池

四句描摸幽興無味之味甚長

歸客村非遠殘樽席更

移看君多道氣從此數追隨

過故斛斯校書莊二首

公自註老儒艱難時病於庸蜀歎其

役後方授一官鶴曰即斛斯六乃草堂鄰公所謂酒伴者

此老已云歿鄰人嗟未休竟無宣室召徒有茂

陵求

極是恨意後來作者皆不及簡齋步驟畧近

妻子寄他食園林

非昔遊空餘總惟在浙浙野風秋

洙曰漢文帝召賈誼於宣

室司馬相如病免家居茂陵武帝使所忠往取其書至則相如已死問其妻曰長卿未死時為一卷書言有使來奏之於是所忠奏焉天子異之其遺書言封禪事謝文暉詩茂陵將見求

燕入非傍舍鷗歸祇故池斷橋無復板卧柳自

生枝

又悲於他作

遂有山陽作多慙鮑叔知素交零

落盡白首淚雙垂

洙曰向秀與嵇康為竹林之遊後經山陽嵇康之居作思



舊賦鮑叔與管仲交管仲曰生我者父母知我者鮑叔劉孝標絕交論尔交盡利交興

### 寄邛州崔錄事

邛州崔錄事聞在果園坊又待無消息終朝有

底忙應愁江樹遠怯見野亭荒浩蕩風塵外誰

知酒熟香

洙曰果園坊在成都

### 寄司馬山人十二韻

關內昔分袂天邊今轉蓬驅馳不可說談笑偶

然同道術曾留意先生早擊家家迎薊子處

處識壺公長嘯峨嵋北潛行王壘東有時騎猛

虎虛室使仙童髮少何勞白顏衰肯更紅望雲

悲輶軻畢景羨冲融喪亂形仍後淒涼信不通

懸旌要路口倚劔短亭中永作殊方客殘生一

老翁相哀骨可換亦遣馭清風

洙曰後漢方術傳薊子訓有神

異之道既到京師公卿以下候之者坐上常數

百人費長房為市掾市中有老翁賣藥懸一壺

於肆頭及市罷輒跳入壺中市人莫之見惟長  
房於樓上觀之異焉因往再拜翁乃與俱入壺  
中趙曰史記云搖搖懸旌無所終薄  
曰莊子夫列子御風而行冷然善也



贈王二十四侍御契四十韻

徃徃雖相見飄飄媿此身

只是一句變体自然

不關輕綬

冕俱是避風塵一別星橋夜三移斗柄春敗亡

非赤壁

敗亡自謂親涉是境方會

奔走為黃巾子去何瀟灑

余藏異隱淪書成無過鴈衣故有懸鶉恐懼行

裝數伶俜卧疾頻曉鷺工迸淡秋月解傷神會

面笑烹茶合博話苦辛接與還入楚王祭不歸

秦錦里殘丹竈花溪得釣綸消中祇自惜晚起

索誰親伏柱聞周史乘槎似漢臣鴛鴻不易狎

龍虎未宜馴客即挂冠至交非傾蓋新由來意

氣合直取性情真浪跡同生死無心耻賤貧偶

然存蔗芋

五字亦生語

幸各對松筠麤飯依他日窮

愁怪此辰女長裁褐穩男大卷書勻

謂各有一卷書耳

瀟口江如練蠶崖雪似銀名園當翠巘野棹沒

青蘋屢喜王侯宅時邀江海人追隨不覺晚歎

曲動彌旬但使芝蘭秀何須棟宇鄰山陽無俗



物鄭驛正留賓出入並鞍馬光輝忝席珍重遊

先主廟更歷少城闈石鏡通幽魄苦語琴臺隱絳

脣送終惟糞土結愛獨荆榛十字是上意愴甚不可復味置

酒高林下觀碁積水濱區區甘累跼稍稍息勞

筋網聚粘圓鯽絲繁煮細尊長歌敲柳癭小睡

凭藤輪凭則非蒲團也似謂侍御所乘也農月須知課田家敢

忘勤浮生難去食良會惜清晨列國兵戈暗今

王德教詩要聞除狹偷休作畫麒麟畫麒麟但好看耳不

得用政是苦語洗眼看輕薄虛懷任屈伸莫令膠漆地

萬古重雷陳洙曰李冰守蜀造橋橋上應斗魁七星吳周瑜與曹操戰于赤壁敗

之漢靈帝時矩鹿人張角所部眾皆着黃巾同日反叛荀子子夏貧衣若懸鶉趙曰春鶯秋月

人所賞翫而鶯所工者在於遊人之淚月所解者在於傷人之神則以亂離疾病之所感也後

山詩話云東坡居穎春夜對月王夫人曰春月曰喜秋月使人愁耳坡笑謂子誠知言遂作詞

曰不似秋光只與離人照斷腸而老杜云秋月解傷神語簡而益工也洙曰語楚狂接輿漢末

王粲以西京擾亂乃去而依劉表於荊州趙曰消中公自言有消渴病也洙曰嵇康絕交書卧

喜晚起趙曰索誰親言為况蕭索無親之若又音求索之索言將求誰親我乎亦通洙曰老子



為周柱下史王康琚詩老聃伏柱史漢使張騫  
乘槎事見荆楚歲時記晉葛洪挂冠不仕鄒陽  
傳白頭如新傾蓋如故蜀都賦其園則有瓜疇  
芋區甘蔗辛薑瀟口岷江所經也蠶產關名在  
西山趙曰淵明蒼龐參軍詩歡心孔治棟宇堆  
鄰洙曰晉嵇康居山陽又阮籍謂王成曰俗物  
復來敗人意趙曰漢鄭當時為太子舍人常置  
驛馬於長安諸郊謂謝賓客洙曰禮記儒有席  
上之珍以待聘少城石鏡琴臺並註見前鄭曰  
跼古典切臍也夢弼曰柳瘿謂搏也曹相詩我  
有柳瘿瓢藤輪謂車也謝鮑詩花蔓引藤輪鄭  
曰瘿烏八切偷勇上切獸名夢弼曰淮南子瘿  
偷為害堯使羿殺之萬民皆喜洙曰漢畫功臣  
於麒麟閣陳雷為友如膠漆之堅並詳註見前

別唐十五誠因寄禮部賈侍郎

鶴曰按史賈至貶

州司馬寶應初名復故官是年轉禮部侍郎

九載一相逢百年能幾何復為萬里別送子山  
之阿白鶴久同林潛魚本同河未知棲集期衰  
老強高歌歌罷兩悽惻六龍勿蹉跎相視髮皓  
白况難駐羲和胡至墜燕地漢將仍橫戈蕭條  
四海內人少豺虎多少人慎莫投多虎信所過  
饑有易子食獸猶畏虞羅子負經濟才天門營  
嗟峨飄飄適東周來往若崩波南宮吾故人白



馬金盤陀雄筆映千古見賢心靡他念予善師

事歲寒守舊柯為吾謝賈公病肺卧江沱

洙曰義和

以六龍御日蹉跎言遲暮也師曰漢天文志旋頭胡星也洙曰左傳易子而食析骸而爨夢弼曰虞羅謂虞人之羅設以捕獸也余曰古余詩話云梅聖俞愛杜詩蕭條四海內人少豺虎多少慎莫投多虎信所遇饑有易子食獸猶畏虞羅如此等句含蓄深矣殆不可模倣趙曰漢官儀曰泰山東上七十里至天門洙曰南宮禮部也夢弼曰昔賈逵為禮部侍郎常乘白馬改於賈至亦云金盤陀未詳成曰山名屬東都念子善師事勉唐生事賈至也師曰病肺公自謂也

### 長吟

江渚翻鷗戲官橋帶柳陰江飛競度日草見踏

青心已撥形骸累真為爛熳深賦詩新句穩不

覺自長吟

### 歸鴈

東來萬里客亂定幾年歸腸斷江城鴈高高正

北飛

### 絕句二首

遲日江山麗春風花草香泥融飛燕子沙暖睡



鴛鴦

富貴  
氣象

江碧鳥逾白，山青花欲燃。今春看又過，何日是

歸年。

韋諷錄事宅觀曹將軍畫馬圖引

鶴曰韋  
諷居在

成都時為閬州錄事趙曰曹將軍名霸明  
皇雜錄云陳義馮紹正曹霸鄭虔皆善繪

畫時稱  
神少

國初已來畫鞍馬神妙獨數江都王

起得踈  
正合古意

將軍得名三十載，人間又見真乘黃。曾貌先帝

照夜白，龍池十日飛霹靂。內府殷紅馬，腦盤婕

妤傳詔才人索盤賜。將軍拜舞歸輕紈，細綺相

追飛。貴戚權門得筆跡，始覺屏障生光輝。昔日

太宗拳毛騮，近時郭家師子花。今之新圖有二

馬，復令識者又歎嗟。此皆騎戰一敵萬，縞素漠

漠開風沙。其餘七疋亦殊絕，迥若寒空動煙雪。

霜蹄踠踏長楸間，馬官廐養森成列。可憐九馬

爭神駿，顧視清高氣深穩。借問苦心愛者誰，後



有韋諷前支道

以主人對支道豪氣橫出

憶昔巡幸新豐宮

翠華拂天來向東騰驤磊落三萬疋皆與此圖

筋骨同自從獻寶朝河宗無復射蛟江水中

句曰

沉著雜麗政在事

君不見金粟堆前松柏裏龍

媒去盡鳥呼風

長篇意外淪痛險絕○鄭曰名畫記江都王緒霍王元軌之子

多材藝畫鞍馬擅名鄭口貌莫角切下屢貌同

夢弼曰月皇有馬名照夜白嘗命曹將軍畫以

為圖蒼舒曰按唐會要明皇在藩邸居興慶里

宅有龍池湧出日以侵廣至開元中為興慶宮

趙曰言曹將軍所畫之馬神妙乃真龍也故能

感動龍池如此鄭曰殷烏閑切婕妤上即葉切

下汝諸切婦官也夢弼曰唐制內宮婕妤才人

各九人此言天子遣婕妤好傳詔令才人取馬腦

盤賜將軍將軍拜舞而歸輕紈細綺言從者也

鄭曰駟胡華切太宗有六駿皆平盜時所乘拳

毛駟乃平劉黑闥時乘也洙曰郭子儀收復京

師代宗以九花虬賜之一名師子驄師曰縞素

漠漠開風沙言雖畫縞素之上而有開拓沙磧

之態定功曰莊子馬蹄可以踐霜雪維摩經龍

象蹴踏非驢所堪洙曰曹子建詩走馬長楸間

鄭曰嘶息移切趙曰世說支道字道林嘗養馬

人有譏之者荅曰貧道愛其神駿聊復畜爾今

公以支道養馬韋諷藏畫馬皆苦心之所愛也

希曰明皇幸驪山溫泉宮宮在長安東舊新豐

縣洙曰明皇幸驪山王毛仲以廐馬數萬從每

色為一隊相間若錦繡趙曰穆天子傳天子西

征至陽紆山河伯馮夷之所居是為河宗天子



乃沉璧禮焉河北乃與天子披圖視典以觀天下寶器今云朝河宗者言河宗朝而獻寶也洙曰前漢志元封五年漢武自尋陽浮江親射蛟江中獲之夢弼曰穆天子西征而歸未幾上升此以比明皇今已升遐無復幸驪山矣趙曰長安志明皇泰陵在蒲城東北之金粟山明皇嘗至睿宗橋陵見金粟山岡有龍盤虎踞之勢謂侍臣曰吾千秋萬歲後葬此暨升遐羣臣遵先旨葬焉洙曰漢禮樂志天馬來龍之媒

### 送韋諷上閬州錄事參軍

國步猶艱難兵革未衰息萬方哀嗷嗷十載供軍食庶官務割剝不暇憂反側誅求何多門賢

者貴為德韋生富春秋洞徹有清識操持紀綱地喜見朱絲直當令豪奪吏自此無顏色必若救瘡癘先應去蝥賊揮淚臨大江高天意悽惻

行行樹佳政慰我深相憶

洙曰春秋富出漢書註云言年幼也此之

於財方未匱竭故謂之富希曰喬琳歷四川刺史嘗謂錄事參軍任紹業曰子綱紀一郡能劾刺史乎故六帖亦謂之綱紀掾洙曰鮑照白頭吟直如朱絲繩趙曰管子曰九輕重散歛以時平準故大賈富家不得豪奪吾人也洙曰詩去其螟螣及其蝥賊馬曰樹立也

### 丹青引贈曹將軍霸



將軍魏武之子孫於今為庶為清門

起語激昂

及英雄割據雖已矣文采風流今尚存

接得學

書初學衛夫人但恨無過王右軍丹青不知老

將至富貴於我如浮雲

突兀四語能事志意畢竟往復浩蕩只在裏許

自是筆意至此非思致所及

開元之中常引見承恩數上南

薰殿凌煙功臣少顏色將軍下筆開生面良相

頭上進賢冠猛將腰間大羽箭褒公鄂公毛髮

動英姿颯爽來酣戰先帝天馬玉花驄畫工如

山貌不同是日牽來赤墀下迴立閭闔生長風

迴立意從容詔謂將軍拂絹素意在慘淡經營中斯

須九重真龍出一洗萬古凡馬空玉花却在御

榻上榻上庭前屹相向

相向語織密

至尊含笑催賜

金園人大僕皆惆悵弟子韓幹早入室亦能畫

馬窮殊相幹惟畫肉不畫骨忍使驂駟氣凋喪

名將軍畫善蓋有神必逢佳士亦寫真

謂未遇佳士故

即今漂泊干戈際屢貌尋常行路人途窮返遭

杜詩卷十一 十五



俗眼白世上未有如公貧但看古來盛名下終

曰次壙纏其身

首尾悲壯動盪皆名言○趙曰魏武曹公操也夢弼曰霸乃孫

之後其門地最清高玄宗末年得罪削籍為庶人洙曰左傳三后之姓於今為庶主所知也葛常之詩話子美丹青引云將軍魏武之子孫於今為庶為清門元徽之去杭州詩亦云房杜王魏之子孫雖及百代為清門則知子美當時已為詩人所欽服如此殘膏餘韻沾丐後人宜其故徽之云詩人已來未有如子美者也夢弼曰晉李夫人名衛善書嘗云有一弟子號王逸少用筆咄咄逼人呂氏童蒙訓云謝無逸語汪信民云老杜有自然不做底語到極至處者有雕琢語到極至處者如丹青不知老將至富貴於我如浮雲此自然不做底語到極至處者也

如金鍾大鑪在東序水壺玉衡懸清秋此雕琢語到極至處者也洙曰唐正觀中畫李靖等二十四人於凌煙閣太宗為序趙曰凌煙畫像顏色已暗而曹將軍重為之畫故云開生面用字所出則左傳狄人歸先軫之屍而面如生也洙曰凌漢志進賢冠古緇布冠文儒者之服也太宗嘗自製長弓大羽箭皆倍常制以旌武功褒公段志賢鄂公尉遲敬德也趙曰酣戰字出淮南子魯陽公與韓戰戰酣日暮援戈而揮之夢弼曰謂觀褒公鄂公之像若有當日酣戰氣象也貌莫角切下同鶴口明皇別錄上乘照夜白玉花驄趙曰閭闔天門也夢弼曰陸機文賦意同笑而為匠古樂府不知理同事茂立經營中容齋五筆云韓公人物畫記其叙馬處凡馬之事二十有七為馬大小八十有三而莫有同者馬秦少游謂其叙事該而不煩故做之而作羅



漢記坡公賦韓幹十四馬詩誦之蓋不待見畫也詩之與記其體雖異其布置鋪寫則同老杜觀曹將軍畫馬圖引視東坡似若不及至於丹青引斯須九重真龍出一洗萬古凡馬空不妨獨步也杜又有畫馬譜云韓幹畫馬毫端有神驂留老大駉裏清新及四蹄雷電一日天地瞻彼駿骨嘗惟龍媒之句坡公九馬贊言薛紹彭家藏曹將軍九馬圖子美所為作詩者也其辭云牧者萬歲繪者惟霸虜為作頌偉哉九馬讀此詩文數篇直能使人方寸超然意氣橫出可謂妙絕動官牆矣夢弼曰圉人掌養馬大漢掌車駕容齋續筆云老杜丹青引至尊含笑催賜金國人大僕皆惆悵或以為畫馬奪真國人大僕所不樂不然國人大僕蓋牧養官曹及馭者而黃金之賜乃畫之得之是以惆悵杜公之意深矣又觀曹將軍畫馬圖云內府殷紅碼腦盤

寄李十四員外布十二韻

公自註新除司議郎萬州別駕

雖尚伏枕已聞理裝

婕妤傳詔才人索亦此意也夢弼曰韓幹大梁人善寫貌人物尤工鞍馬初師曹霸王右丞維見其畫推獎之官至大府寺丞楚辭志坎壈而不違註不遇貌壘盧感切

名參漢望苑職述景題輿巫峽將之郡荆門好

附書遠行無自苦內熱比何如正是炎天闊那

堪野館踈黃牛平駕浪畫鷁上凌虛試待盤渦

歇方期解纜初悶能過小徑自為摘嘉蔬渚柳



元幽僻村花不掃除宿陰繁素捺過雨亂紅渠

寂寂夏先晚冷冷風有餘江清心可瑩竹冷髮

堪梳直作移巾几秋帆發弊廬

洙曰漢博望苑武帝為突太子

置之使通賓客從其所好夢弼曰司議太子武

官也以李布新除司議即故用博望苑事洙曰

後漢周景為豫州刺史辟陳蕃為別駕蕃不就

### 寄董卿嘉榮十韻

聞道君牙帳防秋近赤霄下臨千雪嶺却背五

繩橋海內久戎服京師今晏朝犬羊曾爛熳宮

闕尚蕭條猛將宜嘗膽龍泉必在腰黃圖遭汚

辱月窟可焚燒

謂宮殿

會取干戈利無令斥候驕

居然雙捕虜自是一嫖姚落日思輕騎秋天憶

射鵬雲臺畫形像皆為掃氛妖

洙曰牙帳則元帥建牙旗於帳

前也鶴曰防秋近赤霄言列戍西山三城之高

也洙曰雪嶺即西山繩橋在岷江史記越王勾

踐及國苦身勞思飲食嘗膽不忘會稽之耻龍泉楚王劍名也趙曰書有三輔黃圖言秦漢宮苑制度洙曰長揚賦西壓丹窟西域傳斥候百人五分之夜擊刀斗自警漢光武拜馬武捕虜



將軍明帝初復拜武捕虜將軍霍去病為嫖姚校尉脩可曰北史斛斯光工騎射嘗射一大禽形如車輪而下乃鵬也邢子高嘆曰此真射鵬手當時號為落鵬都督趙曰漢明帝圖畫二十八將於南宮雲臺

青絲

鶴曰此詩言僕固懷恩之亂按史是年僕固懷恩反以兵合吐蕃入寇趙曰南史侯景傳初童謡云青絲白馬壽陽來及景之叛乘白馬青絲以應讖

青絲白馬誰家子麤豪且逐風塵起不聞漢主

放妃嬪近靜潼關掃蜂蟻殿前兵馬破汝時十

月即為齎粉期

書生張皇軍國願幸功成類如此可歎子美猶始祖也至放為

厭矣吾題吾說於此亦自厭矣

未如面縛歸金闕萬一皇恩下

玉墀

傷哉○希曰肅宗復京師出宮女三千人故借漢主為言也不聞謂豈不聞乎鶴曰

殿前兵馬謂神策軍趙曰十月即為齎粉期告以必破亡之證也洙曰萬一皇恩下玉墀時降者皆授節鎮河北之患自此起矣

黃河二首

鮑曰是詩前篇謂吐蕃入寇後篇謂嚴鄭公軍按史是年鄭公

復節度劍南破吐蕃七萬衆于當狗城遂收鹽川加檢校吏部尚書

黃河北岸海西軍推鼓鳴鐘天下聞鐵馬長鳴不知數胡人高鼻動成羣



黃河西岸是吾蜀欲須供給家無粟願驅衆庶  
戴君王混一車書棄金玉

揚旗

公自註二年夏六月成都尹鄭公置酒公堂觀騎士試新旗幟夢弼曰按

元稹志公墓云劍南節度使嚴武狀為工部員外郎參謀軍事又按嚴武是年九月與吐蕃戰于當狗城敗之故公初在幕中因觀揚旗而作此詩

江雨颯長夏府中有餘清我公會賓客肅肅有  
異聲初筵閱軍裝羅列照廣庭空六馬入駃  
駃揚旗旌迴迴偃飛蓋熠熠迸流星來經風颭

急去擘山岳傾材歸俯身盡

前言俯身試舉旗

妙取略

地平虹蜺就掌握舒卷隨人輕三州陷犬戎但  
見西嶺青公來練猛士欲奪天邊城此堂不易  
升庸蜀日已寧吾徒且加餐休適蠻與荆

鄭口駃駃

馬搖頭也上布可切下五可切趙口三州陷犬戎言去年冬吐蕃陷松維保三州

軍中醉飲寄沈八劉叟

酒渴愛江清餘酣漱晚汀軟沙歌坐穩冷石醉  
眠醒野膳隨行帳華音發從伶數盃君不見醉



已遣沈冥

立秋日兩院中有作

廣德三年秋成都府幕中作

山雲行絕塞大火復西流飛雨動華屋蕭蕭梁

棟秋窮途愧知已暮齒借前籌已費清晨謁那

成長者謀解衣開北戶高枕對南樓樹濕風涼

進江喧水氣浮禮寬心有適節瘳病微瘳主將

歸調鼎吾還訪舊丘

洙曰張良願借前箸以籌之趙曰公謂晚年得預嚴

府參謀也趙曰禮寬心有適謂嚴武待以禮數之寬病微瘳公素有肺疾也洙曰主將謂嚴武

也公相期武還朝秉政日吾當遂歸計矣希曰舊丘指長安故居也

奉和嚴鄭公軍城早秋

夢弼曰按編年通載是年九月嚴武

破吐蕃于當狗城遂收鹽州城

秋風嫋嫋動高旌玉帳分弓射虜營已收滴博

雲間戍欲奪蓬婆雪外城

希曰抱朴子外篇軍在太一玉帳之中不

可攻也鶴曰滴博西山城名雲間以言其高也

高適上疏所謂在窮山之巔公西山詩轉粟上青天是也蓬婆乃吐蕃城名在雪山之外故云幾欲奪之也

軍城早秋

鄭國公嚴武



昨夜秋風入漢關，朔雲邊雪滿西山。更催飛將

追驕虜，莫遣沙場匹馬還。洙曰：漢匈奴號李廣為飛將軍，脩可曰：公

羊傳：匹馬，隻輪無返者。

### 院中晚晴懷西郭茅舍

幕府秋風日夜清，澹雲疎雨過高城。葉心朱實

堪時落，堪者不堪也。階面青苔先自生。復有樓臺銜

暮景，不勞鍾鼓報新晴。浣花溪裏花饒笑，肯信

吾兼吏隱名。趙曰：汝南先賢傳：鄭欽吏隱於蟻陂之陽，夢弼曰：晉山濤吏非吏隱。

非隱

### 到村

碧澗雖多雨，秋泥先少泥。語不稱。蛟龍引子過荷

芰，逐花低老去。參戎幕歸來，散馬蹄。稻梁須就

列，榛草即相迷。蓄積思江漢，頑踈感町畦。又有意出

蜀不曉人事，分尔我。暫酬知己分，還入故林栖。

鄭曰：先先見切，洙曰：曹子建詩：俯身散馬蹄。蒼舒曰：莊子：彼且為無町畦，亦與之為無町畦。

### 村雨



雨聲傳兩夜寒事颯高秋挈帶看朱紱開箱視

黑裘世情只益睡盜賊敢忘憂松菊新霑洗茅

齋慰遠遊洙曰公為尚書員外郎服緋故用赤紱也挈一作攬

### 倦夜

竹涼侵卧内野月滿庭隅重露成涓滴稀星乍

有無暗飛螢自照水宿鳥相呼萬事干戈裏空

悲清夜徂暗飛螢自照水宿鳥相呼以為賦景則淺以為興比則長作者於景未有

不兼也。王直方詩話東坡云司空表聖自論其詩以為得味外味綠樹連村暗黃花 麥稀

此句最善又云碁聲花院閉幡影石壇高吾嘗獨遊五老峰入白鶴觀松陰滿地不見一人惟

聞碁聲然後知此句之工但恨其寒儉有僧態若杜子美云暗飛螢自照水宿鳥相呼四更山

吐月殘夜水明樓則才力富健去表聖之流遠矣

### 遣悶奉呈嚴公二十韻

白水魚竿客清秋鶴髮翁胡為來幕下抵合在

舟中仕宦失志不能決絕如此黃卷真如律青袍也自公老

妻憂坐痺幼女問頭風平地專歌倒分曹失異

同禮甘衰力就義忝上官通疇昔論詩早光輝



仗鉞雄寬容存性拙翦拂念途窮露裛思藤架

煙霏想桂叢信然龜觸網直作鳥窺籠不得志之語

西嶺紆村北南江繞舍東竹皮寒舊翠椒實兩

新紅浪簇舡應坵杯乾甕即空藩籬生野徑芥

芥任樵童束縛酬知己蹉跎效小忠周防期稍

稍信憂諛之大簡遂忽忽曉入朱扉啓昏歸畫

角終不成尋別業未敢息微躬鳥鵲愁銀漢駕

駘伯錦幪會希全物色時放衙梧桐魚竿自出太公即

據稿梧而瞑但增桐字迥異本語不足為法。趙曰上官指嚴武公在幕府得閑通於上官矣。洙曰龜觸網用史記龜策傳神龜抵網而遭漁者得之鳥窺籠用潘岳秋興賦池魚籠鳥而有江湖山藪之思師曰西嶺南江述浣花里之景也洙曰束縛者言性本疎散也大觀曰別業指草堂也夢弼曰物色謂形容之老公有望於嚴武俾得遂衙梧之適也

### 宿府

清秋幕府井梧寒獨宿江城蠟炬殘永夜角聲

悲自語中天月色好誰看上下沈著風塵荏苒音書

絕關塞蕭條行路難已忍伶俜十年事強移柘



息一枝安

樹間

岑寂雙甘樹婆娑一院香交柯低几枝垂實礙  
衣裳滿歲如松碧同時待菊黃幾回露葉露乘  
月坐胡床

送舍弟穎赴齊州三首

岷嶺南蠻北徐關東海西此行何日到送汝萬  
行啼絕域惟高枕清風獨杖藜危時暫相見衰

白意都迷

趙曰徐關齊地言弟自  
岷蜀起發而之齊耳

風塵暗不開汝去幾時來兄弟分離苦形容老

病催江通一柱觀日落望鄉臺客意長東北齊

州安在哉

鄭曰荊州有一柱觀土人呼為木履  
觀洙曰成都有望鄉臺乃隋蜀王秀

所創也

諸姑今海畔兩弟亦山東去旁干戈覓來看道

路通短衣防戰地匹馬逐秋風莫作俱流落長

瞻碣石鴻

鶴曰按公作范陽太君盧氏墓志盧  
氏所出有適會稽賀偽會稽頻於海



也趙曰齊州近海則是山東矣洙曰趙武靈王好胡服士皆短衣洙曰劉孝標廣絕交論附駢驥之旄端軼歸鴻於碣石註海畔山也

### 嚴鄭公塔下新松得露字

弱質豈自負移根方爾瞻細聲聞玉帳疎翠近珠簾未見紫煙集虛蒙清露露何當一百丈歌

蓋擁高簷

### 嚴鄭公宅同詠竹得香字

綠竹半含籜新稍絕出墻色侵書帙晚陰過酒

樽涼雨洗娟娟淨風吹細細香但令無翦伐會

見拂雲長

孫季昭示兒編云花竹亦有無香者世所共知櫻挑初無香退之云籠擊

初重則以香言之竹與枇杷本無香子美云風吹細細香枇杷樹香則皆以香稱之至於太白又以柳為有香其曰白門柳花滿店香是也若夫荆公梅詩有云少陵為爾添詩興可是無心賦海棠豈謂海棠無香而不賦乎

### 奉觀嚴鄭公廳事岷山沱江畫圖十韻得

忘字

沱水臨中座岷山赴此堂白波吹粉壁青嶂插



雕梁直訝杉松冷兼疑菱荇香雪雲虛點綴沙

草得微茫嶺鴈隨毫末川蜺飲練光霏紅洲藥

亂拂黛石蘿長暗谷非關雨丹楓不為霜秋成

玄圃外景物洞庭傍繪事功殊絕幽襟興激昂

從來謝太傅丘壑道忘忘此篇句句著畫意政似未離本處謂義盡

分明兒童之見也○夢弼曰禹貢岷山導江東別為沈寰宇記沱水在成都府新繁縣誠齋詩

話云老杜山水圖云沱水臨中壘岷山起此堂白波吹粉壁青嶂揮雕梁此以畫為真也曾吉

父云斷崖韋偃樹小兩郭熙山此以真為畫也洙曰秋成一作秋城太傅謝安也安雖受朝寄

東山之志 始末不渝

晚秋陪鄭公摩訶池泛舟得溪字

公自註池在府

內蕭摩訶所開因是得名

湍駛風醒酒船回霧起隄兩語皆極纏纏高城秋自落

雜樹晚相迷坐觸鴛鴦起巢傾翡翠低莫須驚

白鷺為伴宿清溪鄭曰駛苦史切疾貌也趙曰清溪公指浣花溪耳

陪鄭公秋晚北池臨眺鶴曰公在嚴武幕中自題因有作奉

呈後如詠竹泛舟觀暇池畫圖至北池臨眺皆分隔賦詩其情分稠密如此而史謂



嚴武中頗銜之不  
知何所本而云

北池雲水闊華館開秋風獨鶴先依渚衰荷且  
映空采菱寒刺上踏藕野泥中素檝分曹徃金  
盤小徑通萋萋露草碧片片晚旗紅盃酒露津  
更衣裳與釣翁異方初豔菊故里亦高桐搖落  
關山思淹留戰伐功嚴城殊未掩清宴已知終  
何補參軍乏歡娛到薄躬

本中曰何補參軍  
之一作參軍事

初冬

垂老戎衣窄歸休寒色深漁舟上急不從火著

高林日有習池醉愁來梁甫吟干戈未偃息出

處遂何心

鶴曰按是年十月嚴武皮吐藩益川  
城克之公在幕府故亦戎衣也趙

日日有習池醉謂陪嚴武出也愁  
來梁甫吟公以諸葛亮自比也

太子張舍人遺織成褥段

客從西北來遺我細織成開緘風濤湧中有掉  
尾鯨透迤羅水族瑣細不足名客云充君褥承  
君終宴際空堂魑魅走高枕形神清領客珍重



意顧我非公卿留之懼不祥施之混柴荆服飾

定尊卑大哉萬古程今我一賤老短褐更無營

煌煌珠宮物寢處禍所嬰歎息當路子干戈尚

縱橫掌握有權柄衣馬自肥輕李昂死岐陽實

以驕貴盈來瑱賜自盡氣豪直阻兵却其贈錦復引近年

李昂來瑱為戒非無為者昔聞黃金多坐見悔吝生奈何田

舍翁受此厚貺情錦繡卷還客始覺心和平振

我麤席塵媿客茹藜羹本一作翠織成夢弼曰廣雅天竺出細織成洙

曰中有掉尾鯨至水此瑣細皆言織紋也韓曰

大哉萬古程謂法度趙曰珠宮指言龍宮也楚

辭貝闕兮珠宮希曰按舊史李昂嘗代崔光遠

為鳳翔尹充本府及秦隴觀察使朱曰來瑱嘗

為襄陽節度使裴茂稱瑱屈強難制宜早除之

後貶播州尋賜死左傳州牙阻兵而安忍洙曰

蘇季子位高金多趙曰莊子藜羹不糝

### 至後

冬至至後日初長遠在劔南思洛陽青袍白馬

有何意青袍白馬眼見小子輩紛紛而起金谷

銅駝非故鄉梅花欲開不自覺棣萼一列永相



望語極有興愁極本憑詩遣興詩成吟詠轉淒涼夢

曰金谷園銅駝陌豈非洛陽故鄉行樂之勝境子劉禹錫楊柳詞云金谷園中鶯亂飛銅駝陌

上好風吹是也

### 觀杰固請司馬弟山水圖三首

簡易高人意匡床竹火爐寒天留遠客碧海挂

新圖雖對隄山好貪看絕島孤羣仙不愁思有味

外舟舟下蓬壺夢弼曰淮南子匡床弱席非不寧許鑄注匡安也

方丈渾連水天台總映雲人間長見畫老去

空闌自傷足力之不繼也上句亦足媿人之不能往者范蠡舟偏小王

喬鶴不羣此生隨萬物萬物語何處出塵氛夢弼

曰孫綽天台賦涉海則有方丈蓬萊登陸則有四明天台皆古聖之所由化靈仙之所窟宅洙

曰范蠡為越吳功名遂乃乘偏舟泛江湖變姓名適齊為鷓夷子趙曰其圖必畫舟與鶴故

以范蠡王喬比之王喬鶴事註見前

高浪垂翻屋崩崖欲壓床野橋分子細沙岸繞

微茫紅浸珊瑚短青懸薜荔長浮查並坐得仙

老暫相將仍是好語○夢弼曰王子年拾遺記堯時有巨查浮于西海查上有光若



星月查浮四海十二年一周天名曰  
貫月查又曰挂星查羽仙棲息其上

哭台州鄭司戶蘇少監

鶴曰鄭虔蘇源明是年相繼而亡八

哀蘇源明詩中云滎陽復寂寞此詩云凶問一年俱

故舊誰憐我平生鄭與蘇存亡不重見喪亂獨

前塗

是中有甚悲者

豪俊人誰在文章掃地無羈遊萬

里閭凶問一年俱白日中原上清秋大海隅夜

臺當北斗泉路著東吳得罪台州去時危棄碩

儒移官蓬閣後穀貴歿潛夫流慟嗟何及銜冤

有是夫道消詩發興心息酒為徒許與才雖薄

追跡踴未拘班揚名甚盛嵇阮逸相須會取君

臣合寧詮品命殊賢良不必展廊廟偶然趨勝

決風塵際功名造化罈從容詢舊學慘淡閱陰

符擲落嫌疑又哀傷志力輸俗依綿谷異容對

雪山孤童稚思諸子交情列友于情垂清酒送

望絕撫墳呼瘞病餐巴水瘡殘老蜀都飄零迷

哭處天地日榛蕪

鶴曰蘇鄭之死適值歲歉按舊史廣德二年自秋及冬斗



米千錢故詩中云穀貴歿潛夫八哀源明詩亦云嗚呼子逝日始泰則終蹇長安米萬錢凋喪盡餘喘又此詩末云俗依綿谷異客對雪山孤瘡病餐巴水瘡痍老蜀都蓋公自叙此時展轉歷綿梓閬間而復來成都也

### 去矣行

鶴曰公在嚴武幕中賦去矣行明年正月果歸溪上鮑註以為天寶

間公在率府數上賦頌不蒙采錄欲辭職而賦此非

君不見韝上鷹一飽則飛掣焉能作堂上燕銜泥附炎熱野人曠蕩無覩顏豈可久在三侯間未試囊中食王法明朝且入藍田山與託矯矯今人必以

一飽為諱所謂撥皮皆具○洙曰鮑月遠詩昔如韝上鷹今似檻中猿魏志呂布因陳登求徐州牧不得布怒登喻之曰登見曹公言待將軍譬如養鷹飢則附人飽則颺去史滑稽傳註韝臂捍也前漢志藍田山出美玉長安魏書李預傳預居長安每羨上古人食玉之法乃採訪藍田往攻掘得若環璧者百餘皆光潤可玩預乃以為屑日服食之



集千家註批點杜工部詩集卷之十一

集千家註批點杜工部詩集卷之十二

正月三日歸溪上有作簡院內諸公

永泰元年

成都作鶴曰時公自嚴武幕中歸浣花溪

野外堂依竹籬邊水向城蟻浮仍臘味鷗泛已

春聲藥許鄰人斫書從稚子擎白頭趨幕府深

覺負生平

夢弼曰釋名酒有沉齊浮蟻在上沉沉然洙曰庾信詩浮蟻對春開

營屋

我有陰江竹能令朱夏寒陰通積水內高入浮



雲端甚疑鬼物憑不顧翦伐殘東偏若面勢戶

牖水可安愛惜已六載茲晨去千竿蕭蕭見白

日淘淘開奔湍度堂匪華麗養拙異考樂草茅

雖雍茸衰病方少寬沈然順所適此足代加

寂無斤斧響庶遂憇息權夢弼曰度堂之度徒洛切趙曰詩考樂在

澗考成也樂樂也今公言養拙而已非有在澗之樂樂也沈音酒

奉寄高常侍鶴曰高適為西川節度樂吐蕃師出無功亡松維等州以

嚴武代還用為刑部侍郎左散騎常侍

汶上相逢年頗多飛騰無那故人何總戎楚蜀

應全未方駕曹劉不啻過今日朝廷須汲黯中

原將帥憶廉頗天涯春色催遲暮別淡遙添錦

水波洙曰地理志汶水出泰山萊蕪蜀亦有汶川出西山趙曰高適先除淮南節度後為

西川節度故言總戎楚蜀脩可曰方駕並駕也與方舟之方同廣絕交論道文麗藻方駕曹王

今言曹劉乃曹植劉楨也洙曰不啻猶過多也家語何翅惠軋漢書汲黯在朝淮南寢謀言黯

之材足以折衝千里也史記廉頗趙之良將也漢文帝嘗歎曰吾獨不得廉頗李牧為將豈憂

芻奴



春日江村五首

農務村村急春流岸岸深乾坤萬里眼時序百

年心使以無復思致故不可及茅屋還堪賦桃源自可尋艱

難昧生理飄泊到如今

迢遞來三蜀蹉跎又六年客身逢故舊發興自

林泉過懶從衣結頻遊任履穿藩籬頗無恨恣

意向江天趙曰蜀郡廣漢郡捷為郡為三蜀使

矣洙曰董京歲衣百結衣夢弼曰莊子衣弊履穿貧也非憊也○本一作藩籬無限景恣意買

江天

種竹交加翠莖桃爛熳紅經心石鏡月到面雪

山風不赤管隨王命銀章付老翁豈知牙齒落

名玷薦賢中洙曰石鏡雪山山在蜀中註見前漢官儀尚書令僕丞郎月給赤管

大筆一雙公時為檢校尚書工部郎故云鶴曰公為工部員外郎賜緋魚袋考漢表銀章青綬

註銀印昔細其文曰章謂容曰某官之章唐雖無賜印者公謂銀章時指魚袋而言耳趙曰銀

章方賜來故次篇有垂朱紱之句

扶病垂朱紱歸休步紫苔郊扉存晚計幕府媿



羣材燕外晴。絲卷鷗邊水。葉開鄰家送。魚鼈問

我數能來

洙曰：絃古蔽膝也。蒙冕服以韋為之。希曰：漢孝賢傳黼衣。宋絃師占註云。

朱絃為朱裳畫為亞文也。並古弗字故因謂之絃。又作黼。

羣盜哀王粲。中年召賈生

羣盜中年皆不必。事實政是作者。登

樓初有作前席。竟為榮宅入先賢。傳才高處士

名異時懷二子。春日煇含情

洙曰：漢末王粲以西京擾亂之。荆州

嘗思歸作登樓賦。故先賢傳載荆州有王粲宅。漢文以賈誼為長沙王太傅。歲餘思誼微至。宣室因問以鬼神事。帝不覺前席曰：吾久不見賈生。自以為過之。今不及也。

### 春遠

蕭蕭花絮晚。菲菲紅素輕。日長唯鳥雀。春遠獨

榮荆

語近而別

數有關中亂。何曾劔外清。故鄉歸不

得地入亞夫營

鶴曰：按史是年吐蕃雖退而二月党項羗寇京兆之富平縣。故

云：數有關中亂。趙曰：亞夫營在長安公之故鄉也。漢文帝時周亞夫軍細柳以備胡。

暮登四安寺鍾樓寄裴十迪

四一作西

暮倚高樓對雪峰。僧來不語自鳴鍾。孤城返照

紅將歛。近市浮煙翠且重。多病獨愁常闋寂。故



人相見未從容知君苦思緣詩瘦太白交游萬  
事慵

絕句三首

聞道巴山裏春船正好行都将百年興一望九

江城

水檻溫江口茅堂石筍西移船先主廟洗藥浣

花溪

謾道春來好狂風大放顛吹花隨水去翻却釣

魚船

屏跡

衰年甘屏跡幽事供高卧鳥下竹根行龜開萍

葉過年荒酒價乏日併園蔬課猶酌甘泉歌歌

長擊樽破

鶴曰按史是年荐饑京師斗米千錢趙曰公以年荒乏酒價之故乃併課

園蔬賣以充沽直也修可曰世說王大將軍每酒後輒詠魏武樂府云老驥伏櫪志在千里烈士暮年壯心不已以如意打唾壺壺口盡缺子美歌長擊樽破類此

天邊行



天邊老人歸未得日暮東臨大江哭隴右河源

不種田胡騎羗兵入巴蜀洪濤滔天風拔木前

飛禿鷲後鴻鵠九度附書向洛陽十年骨肉無

消息趙曰連年吐蕃寇隴右河源蕭條又陷松維保三州故云胡騎羗兵入巴蜀也鶴曰

按史永泰元年三月辛亥大風拔木公有風拔木之句當是紀實也

### 柵樹為風雨所拔歎

倚江柵樹草堂前故老相傳二百年誅茅卜居

總為此五月髣髴聞寒蟬東南飄風動地至江

翻石走流雲氣幹排雷雨猶力爭根斷泉源豈

天意滄波老樹性所愛浦上童童一青蓋野客

頻留懼雪霜行人不過聽竽籟四復有清虎側龍顛

委榛棘淡痕血點垂曾臆我有新詩何處吟草

堂自此無顏色洙曰蜀志先主舍東南有桑樹遙望見童童如小車蓋趙曰宋

上高堂賦纖條悲鳴聲似竽籟

### 喜雨

春旱天地昏日色赤如血農事都已休兵戎况



騷屑巴人困軍須慟哭厚土熱滄江夜來雨真  
宰罪一雪穀根小蘇息沴氣終不滅何由見寧  
歲解我憂思結崢嶸羣山雲交會未斷絕安得  
鞭雷公滂沱洗吳越公自註時聞浙右多盜賊  
嚴武敗吐蕃于當狗城又克益川城時尚木嶽  
其備一滄江指夔州雲安而言按公有雷訃云  
巫峽之宵動滄江十月雷又云霹靂楚王塋以  
此知滄江指雲安也洙曰國語自子之行晉無  
寧歲修司曰周禮陰陽之所交風雨之所出為  
日按是年表自台州反隋信明等州方伏誅  
而歎州人又殺其刺史公  
托言於雨欲洗吳越謂此

### 莫相疑行

鶴曰此詩與後篇赤霄行皆為郭英又作也按是年四月嚴武

薨五月以郭英又為成都尹公以兵又雖有舊然志不相台遂起去草堂之興

男兒生無所成頭皓白牙齒欲落真可惜憶獻

三賦蓬萊宮自怪一日聲輝赫集賢學士如堵

墻觀我落筆中書堂往時文彩動人主此日飢

寒趨路傍晚將未契託年少當面輸心背面笑

寄謝悠悠世上兒不爭好惡莫相疑寫得徹至

洙曰天寶中公獻三大禮賦明皇奇之使待制集賢院命宰相試文章今云中書堂即宰相



所坐之堂也記孔子射於矍相之圃觀者如堵  
甯趙曰陸機歎逝賦託未契於後生

赤霄行 赤霄亦怪奇

孔。雀。未。知。牛。有。角。渴。飲。寒。泉。逢。魃。觸。造。意。甚。奇。赤。霄。

玄圃須往來翠尾金花不辭辱江中淘河赫飛

燕 淘河飛燕本不相涉用鶴 銜泥却落羞華屋

皇孫猶曾蓮勺困衛莊見貶傷其足老翁慎莫

怪少年葛亮貴和書有篇丈夫垂名動萬年記

憶細故非高賢 名言偉度。趙曰淘河者鶴鵝也飛燕從江上來為淘河所疑

意謂爭其魚而赫之燕歸華屋之上負此羞耻  
銜泥而却落也蓋用莊子鴟得腐鼠鷓鴣過之  
仰而見之曰赫註云赫音鑄又音赫口拒人也  
洙曰漢紀宣帝初為皇孫高材好學亦喜遊俠  
常困於蓮勺鹵中註云為人所困辱也蓮勺縣  
名鹵中益池也蓮音輦勺音灼左傳齊靈公伐  
鄭高無咎鮑牽處守及還孟子許之曰高鮑將  
不納君秋則鮑牽而逐高無咎仲尼曰鮑莊子  
之智不如葵葵猶能銜其足衛當作鮑趙曰老  
翁公自謂少年有所指也諸葛亮集有貴和篇  
此蓋託言不能和則必召辱矣漢文帝與  
匈奴書朕與單于捐細故註細故小事也

去蜀

五載客蜀郡一年居梓州如何關塞阻轉作瀟



湘遊萬事已黃髮殘生隨白鷗安危大臣在何

必。波。長。流。

鶴曰安危大臣在謂吐蕃入寇有郭子儀諸公可恃也

宿青溪驛奉懷張員外十五兄之緒

鶴曰青溪

驛在嘉州犍為縣時公去成都經嘉戎而下忠渝也

漾舟千山內日入泊荒渚我生本飄飄今復在

何許石根青楓林猿鳥聚傳侶月明遊子靜畏

虎不得語中夜懷友朋乾坤此深阻浩蕩前後

問佳期付荆楚

荒渚一作枉渚

### 狂歌行贈四兄

與兄行年校一歲賢者是兄愚者弟兄將富貴

等浮雲弟竊功名好權勢長安秋雨十日泥我

曹鞞馬聽晨鷄公卿朱門未開鎖我曹已到肩

相齊吾兄馳穩方舒膝不韞不巾踏曉日男啼

女哭莫我知身上須繒復中實今年思我來嘉

州嘉州酒重花滿樓樓頭喫酒樓下卧長歌短

詠還相酬四時八節還拘禮女拜弟妻男拜弟



幅巾鞶帶不掛身頭脂足垢何曾洗吾兄吾兄

巢許倫一生喜怒長任真日斜枕肘寢已熟啾

啾啾啾為何人夢弼曰韞皮視切說文車鞞也

### 喜雨

南國旱無雨今朝江出雲入空繞漠漠洒迥已

紛紛巢燕高飛盡林花潤色分晚來聲不絕應

得夜深聞趙曰南國指荆楚也安石日記云天降時雨山川出雲故可言江出雲也

### 宴戎州楊使君東樓

勝絕驚身老情忘發興竒座從歌妓密樂任主

人為今人雖藝語不能道無曾次故重碧拈春酒輕紅擘荔枝

亦風樓高欲愁思橫笛未休吹洙曰曹子建七啓云春清縹酒

汪縹深碧也山谷曰拈春酒擘荔枝此主人用

歌妓為樂者也趙曰拈舊本作酌非按示禎元

日詩羞看弟子先拈酒白樂天詩歲酒先拈辭

不得然則拈酒乃唐人之語也荔子雖有數種

而膜皆帶粉紅山谷在戎州詩云王公擁家荔  
子綠廖致平家綠荔枝試傾一杯重碧色快擘  
千顆輕紅肌鶴曰山谷在戎州有廖致平送綠  
荔枝詩誰能同此絕勝味咩有老杜東樓詩謂  
此詩也希曰唐志戎州貢荔枝煎九域志戎州有荔枝園



渝州候嚴六侍御不到先下峽

聞道乘驄發沙邊待至今不知雲雨散虛費短

長吟山帶烏蠻閣江連白帝深船經一柱觀留

眼共登臨

立之曰漢桓典號驄馬御史此以指嚴侍御也洙曰王粲詩風流雲散一

別如雨古詩有長短云鄭曰梁益記雋州為山其地接諸蠻部有烏蠻秋蠻洙曰白帝指夔州

因漢公孫述僭偽號白帝城一社觀在江陵

撥悶

一作贈嚴二別駕

聞道雲安麴米春終傾一盞即醺人乘舟取醉

非難事下峽銷然定幾巡長年三老遙憐汝揆

拖開頭捷有神已辨青錢防顧直當令美味入

吾脣

夢弼曰雲安縣屬夔州今為雲安軍東坡志林退之詩曰百年未滿不得死且可勤

買拋青春國史補云酒有郢之富水鳥程之若下滎陽之士窩春富平之石凍春劔南之燒春

杜子美亦云聞道雲安麴米春終傾一盞即醺人裝劍作傳奇記裝航事亦有酒名以膠春乃

知唐人名酒多以春則拋青春亦必酒名也趙日東坡詩麴米春香並舍聞蓋出於此長年三

老川中呼舟師之名夢弼曰峽中以篙師為長年施工為三老今俗謂之翁洙曰開頭一作鳴

鏡皆行船貌初行曰開頭鄭曰揆練結切拗揆也趙曰川人不以準折一色見錢為青錢



聞高常侍亡

公自註忠州作鶴曰按史是年正月左散騎常侍高適卒

又按公前有寄高常侍詩意是寄詩未久而適已卒

歸朝不相見蜀使忽傳亡虛歷金華省何殊地

下郎致君丹檻折哭友白雲長獨步詩名在祗

今故舊傷

夢弼曰按唐志門下省左散騎常侍二人掌規諷過失侍從顧問又按漢

宮闕記金華殿在未央宮白虎觀右祕府圖書皆在焉故王思遠遜侍中表云奏事金華之進議玉臺之下後世以門下名金華省蓋出此也洙曰世說顏回為地下修文郎前漢朱雲上書願斬佞臣張禹成帝怒曰小臣廷辱師傅罪死不赦御史將雲下雲攀殿檻檻折夢弼曰按

唐新書高適負氣敢言權貴側目公故有丹檻折之句

宴忠州使君姪宅

鶴曰詩云出守吾家姪則為杜使君也

出守吾家姪殊方此日歡自須遊阮舍不是怕

湖灘樂助長歌送杯饒旅思寬昔曾如意舞牽

率強為看

洙曰晉阮咸與叔父籍為竹林之遊咸與籍居道南諸阮居道北湖灘忠

州下惡灘也趙曰王戎嘗以如意起舞

禹廟

禹廟空山裏秋風落日斜荒庭垂橘柚古屋書



龍蛇

橘抽龍蛇皆本色語暗用下同

雲氣生虛壁江聲走白沙

早知乘四載疏鑿控三巴

宋王招魂仰觀刻楠畫為龍蛇此孫

莘老云荒庭垂橘柚古屋畫龍蛇蓋橘柚錫貢駘龍蛇皆禹之事公因見世有感也珠曰孔氏書傳四載謂水乘舟陸乘車泥乘橈山乘標郭璞江賦巴東之峽夏后疏鑿趙曰三巴記云閬水東南流三折如巴字故曰三巴鄭曰十道志渝州巴縣并巴東西是為三巴

### 題忠州龍興寺所居院壁

忠州三峽內井邑聚雲根小市常爭米孤城早

閉門空看過客淚莫覓主人恩淹泊仍愁虎深

### 居賴獨園

花溪獨園與馬卿丁令同。珠曰蜀都賦三峽註巴東永安縣有高山相

對相去可二十丈左右崖甚高謂之峽江水過其中趙曰雲根言石也張協詩雲根臨八極蓋取五岳之氣觸石而出則石者雲之根也珠曰佛書有給孤獨園

### 哭嚴僕射歸櫬

鶴曰按史嚴武年四十薨贈尚書左僕射

素慢隨流水歸舟返舊京老親如宿昔部曲異

平生風送蛟龍雨

謂其化為蛟龍而風送之雨情境慘然與下天長意補

天長驃騎營一哀三峽暮遺後見君情

趙曰老親如宿

昔言嚴公之母尚健如宿昔耶後村詩話云古人感知己之遇季布奏事彭越頭下藏洪盧謀



嘗不以主公成敗而二其心叔季所謂賓客方  
翁翕熱時則趨附恐後及時異事改則掉臂而  
去至有射羿者世傳嚴武欲殺子美殆未必然  
觀老親如宿昔部曲吳平生之句極其悽愴至  
位置武於八哀詩中忠厚藹然異於幕府少年  
今白髮之作矣李義山過舊府有寄諸掾詩云  
莫憑無地論終負託孤心猶有  
門生故吏之情可以矯薄慘

### 放船

收帆下急水卷幔逐回灘江市戎戎暗山雲淅

淅寒

此或淅淅亦不必所出偶結通似口淅吟上魚次水貌

荒林無徑入

獨鳥怪人看已泊城樓底何曾夜色闌

### 旅夜書懷

細草微風岸危檣獨夜舟星垂平野闊月湧大

江流

等閑星月著一湧字更覺不同

名豈文章著官應老病休

飄飄何所似天地一沙鷗

### 懷舊

鶴曰蘇源明天寶間為國子司業以廣德二年終於秘書少監

地下蘇司業親情獨有君那因喪亂後便有死

生分老罷知明鏡悲來望白雲自從失詞伯不

復更論文

落句不忍讀。師曰老罷知明鏡言覽鏡知其衰老也



茅屋為秋風所破歌

鶴曰公在成都時嚴武死欲依英又驕縱

不可託故舍之而去所以託言茅屋為秋風所破蓋深有所感傷也

八月秋高風怒號卷我屋上三重茅飛渡江

灑江郊高者挂眉長林梢下者飄轉沉塘坳南

村羣童欺我老無力忍能對面為盜賊公然抱

茅入竹去脣焦口燥呼不得歸來倚杖自歎息

俄頃風定雲墨色秋天漠漠向昏黑布衾多年

冷似鐵嬌兒惡卧踏裏裂床床屋漏無乾處雨

脚如麻未斷絕自經喪亂少睡眠長夜沾濕何

由徹安得廣厦千萬間大庇天下寒士俱歡須

風雨不動安如山嗚呼何時眼前突兀見此屋

吾廬獨破受凍死亦足

洙曰胃古犬切趙曰白樂天詩爭得大裘長萬

丈與君都蓋洛陽城然近乎戲語豈有萬丈之裘乎若公言千萬間之廣厦自有深旨若溪詩

話云孟子七篇論君與民者居半其欲得君蓋以安民也觀少陵詩云窮年憂黎元歎息腸

熱又云誰能扣君門下令減征賦寄柏學士云幾時高議排金門長使蒼生有環堵茅屋為秋

風所破歌寧令吾廬獨破受凍死亦足而志在大庇天下寒士其仁心廣大異夫求宍之蝼蟻



輦真得孟子之所存矣東坡問老杜何如人或  
言似司馬遷但能名其詩耳吾謂老杜似孟子  
蓋原其心也東坡志林僕嘗問荔枝何所以或  
曰荔枝似龍眼坐客皆笑其陋荔枝嘗無所以  
也僕云荔枝似江瑤樹應者皆憮然僕亦不辨  
昨日見畢仲游僕問杜子美何以人仲游曰似  
司馬遷僕喜而不  
答蓋與曩言會也

### 八月十五夜月二首

永泰元年秋雲安作  
鶴曰公去成都秋至

雲安明年春晚  
遷居于夔州城

滿目飛明鏡歸心折大刀轉蓬行地遠攀桂仰

天高水路疑霜雪林棲見羽毛此時瞻白兔直

### 欲數秋毫

洙曰古樂府藁砧今何在砧砧喻夫  
也山上復有山出也何嘗大刀頭刀

頭有環言還也破  
鏡飛上天月半也

稍下巫山峽猶銜白帝城氣沉全浦暗輪側半

樓明刁斗皆催曉蟾跡且白傾張弓倚殘魄不

### 獨漢家營

張弓謂月如弓倚殘魄望其滿也思  
歸之望歸士亦然○趙曰稍下猶銜

皆言月也夢弼曰白帝城夔州也漢公孫述僭  
偽號白帝城洙曰刁斗軍營中以警夜者張衡  
靈憲云弄請不死之藥於西王母姮娥竊以奔  
月遂託身援月是為蟾蜍鶴曰按史是年八月  
僕因懷恩及吐蕃回紇入寇故有刁斗及漢營  
之句趙曰時與吐蕃交兵則張弓於夜皆倚曉



月之殘魄下獨漢營為然虜營亦  
然倚字使未玉長劍倚天外之倚

雲安九日鄭十八携酒陪諸公宴

寒花開已盡菊藥獨盈枝舊摘人頗異只一頻字而上

下二三十年無不可感與去年明年輕香猶暫語別故知作者用心之苦語不在多

隨地偏初衣袷山擁更登危萬國皆戎馬酣歌

淚欲垂夢弼曰袷古合切說之無絮衣也秋興賦御袷衣洙曰因俗記九日登高以禳

災厄鶴曰萬國皆戎馬謂其時僕固懷恩及吐蕃曰然入寇也

兩鶴曰按史是年春旱四月始雨七月又旱自春無雷六月始雷

行雲迤崇高飛雨藹而至古意精語潺潺石間溜洳

汨松上駛亢陽乘秋熱百穀亦已棄皇天德澤

降焦卷有生意前雨傷卒暴今雨喜容易不可無

雷霆間作鼓增氣佳聲達中宵所望時一致清

霜九月天髣髴見滯穗郊扉及我私我圃日蒼

翠恨無抱甕力庶減臨江費謂臨江而費抱甕之力○鄭曰駛踈

吏切馬行疾也趙曰應據與岑瑜書云頃者災旱日更甚少藥銷藥草木焦卷也洙曰詩遺秉

滯穗又雨我公田遂及我私莊子子貢過漢陰見一文人方為圓畦鑿隧而入井抱甕而出灌



長江二首

衆水會涪萬瞿唐爭一門朝宗人共挹盜賊爾

誰尊孤石隱如馬高蘿垂飲猿歸心異波浪何

事即飛翻

涪曰涪萬峽中二郡名瞿唐為三峽之門師曰巴東有艷瀕石高二十丈

許及秋至則絕如馬

浩浩終不息乃知東極臨衆流歸海意萬國奉

君心色借瀟湘闊聲驅灩澦深未辭添霧雨接

上遇衣襟

接上不可曉○趙曰瀟湘在潭州三峽之水入洞庭與瀟湘相遠故云

色借也涑曰遇一作過

奉漢中王手札

鶴曰漢中王殷蓬州刺史今出峽將歸因作書報公

而公復以此詩詩中云主人留上客避暑得名園淹泊俱崖口東西異石根當是工在歸州為太守留度夏而公在雲安適相望也

國有乾坤大王今叔父尊剖符來蜀道歸蓋取

荆門峽險通舟峻江長注海奔主人留上客避

暑得名園前後緘書報分明饌玉恩天雲淨絕

壁風竹在華軒已覺良宵永何看駭浪翻入期



朱邸雪朝旁紫微垣枚乘文章老河間禮樂存

悲秋宋玉宅失路武陵源淹泊俱崖口東西異

石根夷音迷咫尺鬼物傍黃昏犬馬誠為戀狐

狸不足論此狐狸何謂從容草奏罷宿昔奉清罇布

左思吳都賦矜其宴居則朱服玉饌洙曰唐志諸侯各置邸京師故有邸吏朱邸言邸有朱戶

以冬為入期故言雪晉志紫宮垣一曰紫微大帝之座天子之所居也趙曰梁孝王時枚乘在

諸文士之間年最高洙曰漢景帝十三王河間獻王德脩禮樂被服儒術趙曰宋玉宅在歸州

洙曰武陵源在鼎州楚俗語言多夷音曹子建表不勝犬馬戀主之情張綱傳豺狼當道安問

狐狸趙曰公言漢中王有懷君之心今入朝草奏既罷必將侍宴以幸宿昔之歡也

石硯公自註中侍御者之硯也

平公今詩伯秀發吾所羨奉使三峽中長嘯得

石硯巨璞禹鑿餘異狀君獨見其滑乃波濤其

光或雷電聯切各盡墨多水逝隱見揮酒容數

人十手可對面硯大難為几案類搗衣石比公頭上冠貞質

求為賤當公賦佳句况得終清宴公舍起草姿

不透明光殿致于丹青地知汝隨顧盼夢弼曰郭璞江



賦巴東之峽夏后疏鑿今疑此石乃禹所鑿之  
餘也漆曰坳硯穴也聯切謂雙穴相並各盡墨  
謂盡墨力所謂發墨是也適曰多水迺隱見謂  
硯石溫潤出水也趙曰平公為侍御頭上冠獬  
豸乃一角獸而能觸邪此石質剛正可以比之  
也夢弼曰起草謂知制誥也漢官儀尚書郎主  
作文章起草脩可曰明光漢殿名三秦記明光  
殿以金為祀以玉為階夢弼曰末句謂此硯致  
之于明光禁中丹青之地得  
天子之顧眄恩遇非常也

### 三韻三篇

高馬勿挫面長魚無損鱗辱馬馬毛焦困魚魚  
有神君看磊落士不肯易其身

湯湯萬斛船影若搖白虹起播必推牛挂席集

泉功自非風動天莫置大水中

趙曰推牛所以  
享泉功或謂以

非牛祭

烈士惡多門小人自同調名利苟可取殺身傍

權要何當官曹清爾輩堪一笑

夢弼曰多門謂  
所交不一左傳

晉政多門趙曰同調字出謝靈運詩誰謂古今殊異代可同調

### 諸將五首

鶴曰五首乃言天  
寶以來諸將之事

漢朝陵墓對南山胡虜千秋尚入關昨日玉魚



蒙葬地早時金盃出人問見愁汗馬西戎逼曾

閱朱旗北斗閑多少村官守渭涇將軍且莫破

愁顏

洙口西京雜記長安大明宮宣政殿初就每夜見數騎遊徃其間高宗使巫祝劉明

此明奴口按漢書戊與七國反誅死無後焉得

其子葬於此鬼曰我當時入朝以路遠不從坐

後病死天子於此葬我漢書自有遺誤耳明奴

因宣詔與改葬鬼喜曰若改卜極為幸甚今在

殿東北入地文餘我死時吞子飲我玉魚一雙

今猶未朽必以此相送勿見奪也明奴遂奏聞

有勃改葬苑外及發掘玉魚宛然見出棺柩之

屬朽爛已盡自是其事遂絕田曰南史宋明帝

初自初明為魏所虜嘗獨行經漢武通天臺為

來乘之陳已思鄉之意其思曰甲帳珠簾一朝

蒙落茂陵王益遂出人間今公至用此但金玉

字異爾善引孔氏志怪乃女子之事也夢弼曰

詩首句言漢朝陵墓則是用茂陵王益事以辟

王魚字改作金盃或引盧充鴻姊事益但見其

有金盃字耳嚴有翼墓苑雖黃曰后山詩云初

聞播山送弓劔事知玉益人間見蓋亦用沈肩

事趙曰此詩所以激諸將謂漢朝陵墓自以對

南山有千秋之固及胡虜入關不無發掘者今

河隴繼有吐蕃之難而諸將曾不知速來長安

為禦戎之圖也長安號北斗城夢弼曰或云關

一作殷謂子羹父名閑不應用閑字然按集又

有翩翩戲蝶閑過慢之句豈非臨

文不諱乎洙曰漢書材官蹶張

韓公本意蔡三成機絕天驕拔漢旌豈謂盡煩

韓公本意蔡三成機絕天驕拔漢旌豈謂盡煩

韓公本意蔡三成機絕天驕拔漢旌豈謂盡煩

韓公本意蔡三成機絕天驕拔漢旌豈謂盡煩

韓公本意蔡三成機絕天驕拔漢旌豈謂盡煩

韓公本意蔡三成機絕天驕拔漢旌豈謂盡煩



回紇馬翻然遠放朔方兵胡來不覺潼關隘龍

起猶聞晉水清獨使至尊憂社稷諸君何以答

升平希曰景龍間韓國公張仁愿於河北築三受降城蓋欲絕虜道也其後反與回紇和

親資其兵回討安史公所以致諸君何以答升

平之恨趙曰漢書匈奴自稱為天之驕子而回

紇者匈奴之種也故亦得稱天驕至德初郭子

儀以朔方軍及安西回紇等兵討安慶緒其後

回紇恃功侵擾中國此公所以嘆也胡謂祿山

當時哥舒翰失守祿山陷潼關龍喻肅宗河北

晉地也此謂肅宗起於靈武而河北復清也

洛陽宮殿化為烽休道秦關百二重滄海未全

歸禹貢薊門何處覓堯封朝廷衮職誰爭補天

下軍儲不自供稍喜臨邊王相國肯銷金甲事

春農趙曰漢紀秦得百二焉註秦地險固二萬人足當諸侯百萬人滄海指山東薊門言

河北洙曰相國謂王縉也希曰王縉由侍中拜

河南副元帥又拜盧龍節度使故此篇首以洛

陽言河南即洛陽時為安史所破

迴首扶桑銅柱標冥冥氛祲未全銷越裳翡翠

無消息南海明珠久寂寥殊錫曾為大司馬總

戎皆挿侍中貂炎風朔雪天王地只在忠臣翊



聖朝

趙曰後漢馬援南征建銅柱標以勒功殊曰前漢西域傳贊孝武之世規犀布代謂

則建朱崖七郡自是之後明珠文甲通犀翠羽

之珍盈於後宮註云昔周公相成王越裳民重

九譯而獻白雉又後漢賈琮傳交趾上多珍異

產明璣翠羽犀象玳瑁異香美木之屬莫不自

出師曰子美嘗有自平宮中呂太一南海收

之句蓋廣德元年呂太一為廣州使舉兵叛故

翡翠明珠久不貢朝廷說者多引此詩以解太

一之事宋曰東晉石勒侵阜陵詔知王導大司

馬假以黃鉞出討之軍次江寧帝親餞于郊漢

侍中冠武弁大冠亦曰惠文冠加璫附蟬為文

貂尾為飾也趙曰珠錫總戎之句乃深責諸君

徒享高爵厚祿而不能輸忠者也故有下句

錦江春色逐人來  
巫峽清秋萬壑哀  
正憶往時

嚴僕射共迎中使望鄉臺主恩前後三持節軍

令分明數舉盃西蜀地形天下險安危須仗出

羣材趙曰此篇專言嚴武也望鄉臺在成都之北公憶往時曾隨嚴武登此臺迎中使洙

曰按武傳兩鎮蜀一刺綿州趙曰嚴武鎮蜀以

寶應元年正月權令兩川都節制為一六月專

以節制西川阻徐知道反不得進為二廣德二

年朝廷正以西川合一節變而武以黃門侍郎

來為三也鶴曰按舊史武出為綿州刺史劔南

東川節度使兼御史中丞上皇誥以劔南兩川

合為一拜武成都尹兼御史大夫充劔南節度

此當是在乾元二年裴冕為尹之前蓋玄宗以

上元元年七月移居西內已不復干預國事矣

而武是時鎮蜀止是節制也合以此為一寶應



元年為二廣德二年為兩川節度  
為三也趙曰安危謂安其危也

承聞故房相公靈柩自閬州啓殯歸葬東

都有作二首

鶴曰房瑄河南人罷相後歷漢州刺史廣德元年赴詔道

病卒於閬州時權瘞於彼後贈大尉

遠聞房太守

以其貶漢州刺史稱之曰房太守正是恨意五字能言人所難言

為太尉歸葬陸渾山一德興王後

豈元齡孤魂

久客問孔明多故事安石竟崇班它日嘉陵決

仍露楚水還

洙曰伊洛間有陸渾山蜀志陳壽與荀勗等定故蜀丞相諸葛亮故

事二十四篇以進謝安薨帝臨丁朝堂賜東園  
秘器朝服贈太傅及葬加殊禮依大司馬桓公  
溫故事師曰孔明多故事喻房公奏議可為朝  
廷典故安石竟崇班喻房公死後竟追贈廢崇  
之也蔡寬夫詩話云唐書房瑄傳上皇入蜀瑄  
建議請諸王分鎮天下其後賀蘭進明以此謔  
之肅宗瑄坐是卒廢不用世多憫之予讀司空  
圖房太尉漢中詩云物望傾心久兪渠破膽頰  
註謂祿山初見分鎮詔書拊膺歎曰吾不得天  
下矣非瑄無能畫此計者蓋以乘輿雖播遷而  
諸子各分統天下兵柄則人心固所繫矣未可  
以強弱爭也今唐史乃不載此語圖博學多聞  
嘗謂位廷日修史其言必有自來夫瑄雖不見  
用而當時建言有關於利害豈可廢哉惜乎史  
臣不能為一白之也後村詩話子美與房瑄善  
其夫諫省也坐球瑄後為哀挽方之謝安後贈



哥舒翰詩盛有稱許然陳濤斜潼關二詩直筆不少怨或疑與嘉論相反余謂翰未敗非子美所能逆知殆雖敗猶為名相至於陳濤斜潼關之敗直筆不怨所以為詩史也何相反之有趙曰房公之喪自閬州起發則由嘉陵江而下也

丹旄飛飛日初傳發閬州風塵終不解江漢忽

同流

死生成敗難言之情

劍動新身匣

新身親身皆不

雅必誤

書歸故國樓盡哀知有處為客恐長休

善本作親身方有義

### 別常徵君

兒扶猶杖策卧病一秋強白髮少新洗寒衣寬

總長

白髮少寒衣寬為句

故人憂見及此別淚相忘各逐

萍流轉來書細作行

趙曰雖別而俱不能

近聞

鶴曰按史是年十月吐蕃及回紇入寇京城震恐郭子儀乘間與回紇

約共擊吐蕃吐蕃聞之夜引兵遁去

近聞犬戎遠遁逃牧馬不敢侵臨洮渭水逶迤

白日靜隴山蕭瑟秋雲高崆峒五原亦無事此

庭數有關中使似聞賚普更求親舅甥和好應



難棄

鶴曰唐隴右道洮州是臨洮郡隴右岷州隴內道益州此皆指隴而言也

夢符曰吐蕃號君長曰黃普趙曰先帝昔嘗和親以公主嫁贊普矣

遣憤

鶴曰郭子儀使白元光與回紇將藥等入見贈賚繒帛前後十八萬府藏空竭稅百官俸以給之此以為可憤也

聞道花門將論功未盡歸自從收帝里誰復總

戎機蜂蠆終懷毒雷霆可震威莫令鞭血地再

濕漢臣衣

洙曰花門即回紇也左傳君無謂邾小蜂蠆有毒况國乎漢賈山傳人主之威非特雷霆也師曰鞭血地指禁中也漢書云禁中非刑人鞭血之地

鄭典設自施州歸

鶴曰按唐志東宮官典設部四人掌太子湯沐

汎掃鋪陳之事裴施州裴冕也以附李輔國貶施州

吾憐滎陽秀霄暑初有適名賢慎出處不肯妾

行役旅茲殊俗遠竟以屢空迫南謁裴施州氣

合無險僻攀援懸根木登頌入矢石

矢石意別入矢石謂

石之如虎也暗用李廣事不言虎而言入矢政是詩中用事之妙

青山自一川

城郭洗憂感聽子話此邦令我心悅懌其俗則

絕朴不知有主客温温諸侯門禮亦如古昔勃



厨倍常羞孟盤頗狼籍時雖屬安亂事貴賞匹  
敵中宵愜良會裴鄭非遠戚羣書一萬卷博涉  
供務隙它日辱銀鈞森疎見矛戟倒屣喜旋歸  
畫地來所歷乃聞風土質又重田疇闕刺史似  
寇恂列郡宜競惜北風吹瘴癘羸老思散策渚  
拂簾後寒嶠穿萬蘿暴此身仗兒僕高興潛有  
激孟冬方首路強飯取崖壁歎爾疲駕駘河溝  
血不赤終然備外飾駕馭何所益我有平肩輿

前途猶準的

忽轉入車馬  
政似無說

翩翩入鳥道庶脫蹉

跌厄

夢弼曰滎陽鄭氏之郡洙曰史滑稽傳履  
鳥文銀孟盤狼籍事貴賞匹敵賞一作當

夢弼曰晉索清論草書狀婉若銀鈞又書苑歐  
陽詢工行書森然如武庫矛戟洙曰蔡邕倒屣  
而迎王粲趙曰倒屣不上鞋踵也鄭曰畫去聲  
洙曰後漢寇恂從光武至潁川百姓遮道曰願  
從陛下復借寇君一年鄭曰借讀作容昔切鶴  
曰詩註為一名女羅故合而言之曰萬羅洙曰  
頽延年詩首路踣險艱脩可曰馬援銅馬  
相法曰斤溝欲深長漢書大死馬汙血

寄裴施州

鶴曰按史裴冕廣德初充山陵  
使表李輔國旃旆劉烜為判官

烜抵法冕坐  
降施州刺史



廊廟之具裴施州宿昔一逢無此流

若無第三四句作讀

兩語必笑金鐘大鑪在東序水壺玉衡縣清秋

自高語亦峻直自從相遇減多病三歲為客寬

邊愁堯有四岳明至理漢二千石真分憂幾度

寄書白鹽北

一句未了接一句

苦寒贈我青羔裘霜雪

迴光避錦袖蛟龍動篋端銀鈎紫衣使者辭復

命此其雜亂之無序者辟復命不可解作辭字是再拜故人謝佳政將

老已失子孫憂後來况接才華盛

夢弼曰詩註鑪大鐘也壽

天球河圖在東序文選清如玉壺水書在璇璣

正衛夢弼曰四岳義仲義叔和仲和叔堯掌四

岳之官也洙曰漢宣帝口與我共理者惟良二

千口守趙曰白鹽夔州山名此言裴寄書來夔

與公又贈之荆南兵馬使太常卿趙公大食刀歌

鶴曰是年

冬崔旰反蜀中大亂故趙公剖冠至夔

夔探荆南節度也夢弼曰大食國名太常樓船聲嗷曾問兵刮寇超下牢牧出令奔

飛百艘牧出令猛蛟突獸紛騰迹白帝寒城駐

錦袍玄冬示我胡國刀壯士短衣頭虎毛憑軒



拔鞘天為高翻風轉日木怒號水翼雲淡傷哀

孫鑄錯碧翬鵬為膏銚鐳已瑩虛秋濤鬼物撒

換亂坑壕蒼水使者捫赤條註引搜神記非也龍伯國

人罷釣鼈芮公迴首顏色勞龍伯國人罷釣鼈木不切直形容此

力一出海怪盡絕然芮公回首又顏色為勞語味不佳分聞救世用賢蒙

趙公玉立高歌起攬環結佩相終始萬歲持之

護天子得君亂絲與君理蜀江如線針如水水即

如針荆岑彈丸心未已賊臣惡子休于紀魑魅魁

魁徒為耳妖腰亂領敢欣喜用之不高亦不痺

不似長劍須天倚蛇足愈多吁嗟光祿英雄弭光祿未喻

弭又無謂必大食寶刀聊可比丹青宛轉麒

麟裏光芒六合無泥滓夔弼曰十道志三峽口地曰峽州上牢下牢楚

蜀分吟趙曰由此而王至夔故曰超下牢夔符

曰長州牧也令縣官也牧出令奔言同赴軍事

也鄭曰鞘所交切洙曰尔雅註鵬鷖似鳧而小

膏中瑩刀鄭曰撒匹茂切換練結切洙曰搜神  
記秦時有人夜渡河見一人文餘手橫刀而立  
叱之乃曰吾蒼水使者也列子龍伯之國有大  
人一釣而連六鼈洙曰芮公荆南節度使也鶴  
曰按史荆南自廣德至大曆皆是衛伯玉為節



度使則衛公非仿公疑衛訛為苗也然王兵馬使二角鷹詩亦云荆南苗公得將軍又何也師云足趙芮公未知何所本沫曰左傳眾仲曰以德和民不聞以亂猶治絲而棼之也蜀水不瞿唐則為峽所束如線焉夢弼曰王粲登樓賦取荆山之高岑後漢隗囂將王元說囂曰元請以一丸泥為大玉東封函谷關鄭曰痺音婢又音早夢弼曰潘岳射雉賦揆懸刀騁絕伎如轆如軒不高不埤埤與痺字通用脩可曰荆楚故事褒王謂左右曰能為大言者乎宋玉曰方地為輿圓天為蓋穹弓掛扶桑長劍倚天外玉曰善珠曰末句謂趙公必用此刀立大功畫像於麒麟也

王兵馬使二角鷹

鶴曰按史大曆初朝廷嘗以王昉代衛伯玉荆

南節度使此王兵馬使得非昉乎

悲。臺。蕭。瑟。石。龍。從。哀。壑。秋。材。浩。呼。洵。中。有。萬。里。

之。長。江。迴。風。陷。日。孤。光。動。

起得森聳賦二角鷹不意出此○此悲臺

字便從呼鷹來哀壑則變峽間意也讀至迴風陷日豈可以逐字逐句某地某事意之哉語有神助正在此等○畫角鷹翻倒壯士臂將軍玉

帳。軒。勇。氣。二。鷹。猛。腦。條。徐。墜。

猛腦條徐墜亦不成語目如

愁。胡。視。天。地。杉。鷄。竹。兔。不。自。惜。孩。虎。野。羊。俱。碎。

易。鞬。上。鋒。稜。十。二。翻。將。軍。勇。銳。與。之。敵。將。軍。樹。



勲起安西崑崙虞泉入馬蹄白羽曾肉三狡獪

楚楚敢决豈不與之齊荆南為公得將軍亦如

不厭角鷹下翔雲惡鳥飛飛啄金屋安得爾輩開其

羣驅出六合梟鷲分鄭曰龍力空切從即空切

迫註龍從高大貌鄭曰叔初牙切枒五加切不

齊貌夢弼曰臨海異物志杉雞黃冠青綬常在

杉樹下竹兔小如野兔食竹葉孩虎一作溪虎

鄭曰辟易音壁亦趙曰漢書註辟易謂開張而

### 奉賀陽城郡王太夫人恩命加鄧國太夫

人公自註陽城王衛伯玉也鶴曰按本傳

廣德元年代宋幸陝以伯玉有幹略乃

拜荆南節度使尋封陽城郡王

當是伯玉封王時母同受封也

衛幕衙恩重潘輿送喜頻濟時瞻上將錫號戴

意親富貴當如此尊榮邁等倫郡依封土舊國

與大名新紫誥為回紙清朝燕賀人遠傳冬筭

味更覺綵衣春奕葉班姑史芬芳孟母鄰義方

兼有訓詞翰雨如神委曲承顏體鸞飛報主身



可憐忠與孝雙美畫麒麟

夢符曰漢書註衛青征匈奴大克獲帝就

拜大將軍於幕中故曰幕府趙曰衛幕衛青之幕也以陽城王姓衛用之有功洙曰潘安仁開居賦太天人乃御板輿升輕軒遠賢士畿近周家園趙曰紫誥紫錦之誥也寫回紙則紙上之字有回寫之勢也洙曰楚國先賢傳孟宗至孝母好食笋冬月無之宗入林中哀號笋為之生後漢列女傳曹世叔妻班彪之女名昭字惠姬博學高才元固註漢書其八表及天文悉未及竟而卒和帝詔昭從東觀踵而成之帝數召入宮今皇后諸貴人師事焉號曰大家家音姑劉白列女傳鄒孟軻母三徙而舍學宮之傍軻嬉遊乃設俎豆揖遜孟母曰貞可以居吾子矣左傳愛子教之以義方麒麟閣名也

冬深

花葉隨天意江溪共石根早霞隨類影

類字難下寒

水各依痕易下楊朱淚難招楚客魂風濤暮不

穩捨掉宿誰門

趙曰早霞隨類影言其變態不常隨所類之影而呈現也洙曰

楊朱泣岐路謂其可以南可以北宋玉哀屈原作招魂

將曉二首

石城除擊柝鐵鎖欲開關鼓角悲荒塞星河落

曉山巴人常小梗蜀使動無還垂老孤帆色飄



飄犯百蠻

夢弼曰地志夔州古巴石城鶴曰蜀使動無還蓋謂上元間劔南東川節

度兵馬使段子意反伏誅寶應初劔南西川兵馬使徐知道反伏誅

行反殺成都節度使郭子儀也

軍吏回官燭舟人自楚歌寒沙蒙薄霧落月去

清波壯惜身名晚衰慙應接多歸朝日簪笏筋

力定知何早夏及此

十二月一日三首

今朝臘月春意動雲安縣前江可憐一聲何處

送李鵬百丈誰家上瀨船

子美七言律每每故蕩此又參差竹枝之

比三首皆然

未將梅蘂驚愁眼更取椒花媚遠天明

光起草人所羨肺病幾時朝日邊

趙曰百丈者牽船漢內地

請之宣音彈希曰漢書下瀨將軍註引伍子胥有下瀨船此故反用之本一作上水船洙曰明

光殿名也漢王商借明光殿起草作制誥夢弼曰子美素有消渴病趙曰晉明帝云只聞人自

長安來不聞人自日邊來故後人以日邊為帝鄉

寒輕市上山煙碧日滿樓前江霧黃負鹽出井

此溪女打鼓發船何郡郎新亭舉目風景切



陵。青。消。渴。長。春。花。不。愁。不。爛。燬。楚。客。唯。聽。棹。

相將。好語鶴曰夔州奉節大昌二縣皆有鹽井趙曰晉王導傳各京傾覆中州上人避亂

江左每至暇日邀出新亭飲宴周凱中坐而嘆

曰風景不殊舉目有江河之異皆相視流涕惟

導愀然变色曰當共戮力王室克復神州何至

作楚囚相對泣耶衆收淚而謝之夢弼曰漢司

馬相如傳相如口吃而善著書有消渴病既

病危家居茂陵子美有渴疾故以自比也

即看燕子入山扉豈有黃鸝歷翠微短短桃花

臨水岸輕輕柳絮點人衣春來準擬開懷久老

去親知見面稀自他日一盃難強進重嗟筋力

故山違趙曰十二月一日作詩而有燕子桃花

之句何也義在末句所謂他日一盃難

強進者也蓋逆道其事耳

又雪

南雪不到地青崖霜未消微微向日薄脉脉去  
人遙冬熱鴛鴦病或是峽深豺虎驕愁邊有江  
水焉得北之朝  
送王侍御往東川放生池祖席  
東川詩友合此贈怯輕為况復傳宗近空然惜



別離梅花交近野草色向平地儻憶江邊卧歸

期願早知夢弼曰東川梓州路也

集千家註批點杜工部詩集卷之十二

禹廟

芷堂劉光庭自昭云嘗侍湏溪先生論及禹廟詩早知乘四載疏鑿控三

已先生云此言禹功疏鑿自三巴而始禹廟在上流故控持也謂三巴皆控持於此早知言其氣力盛壯之時後人禹廟詩落句不能如此力量



杜詩補遺集

久野四兵衛一通欽致



